

Ujarassiornermut Immikkoortorta qarfik Qaqqat sisoortarnerannut suleqatigiinnut AC-fuldmægtigimik imaluunniit immikkut siunnersortimik ataatsimik marlunnilluunniit sulisussarsiorpoq

Ujarassiornermut Immikkoortorta qarfik Qaqqat sisoortarnerannut suleqatigiinnut AC-fuldmægtigimik imaluunniit immikkut siunnersortimik ataatsimik marlunnilluunniit sulisussarsiorpoq

Qaqqat sisoorsinnaanerannik nakkutiginninnermik, nunap assiliornermik aarlerinaataasunillu misissueqqissaarnernik suliaqarnissaq soqutigaaq? Taava immaqqa illit Ujarassiornermut Immikkoortorta qarfik nakkutiginninnermik suliaqarnitsinni amigaatigaatsigit.

Atorfik pillugu

Qaqqat sisoortarnerinut suleqatigiit inuiaqatigiit qaqqat sisoornissaannut pisunullu taakkununga atasunut, soorlu tassaarsuaqarluni qarsutsinernut, isumannaatsuunerulersinnissaannut sulisussanngortitaapput. Suliassa qarfik sukkasuumik ineriartortumi suleqatigiinni ikittuni ilaalissaatit. Suleqatigiilluta nukittunerulernissatsinnut aammalu qaqqat sisoortarnerinik nakkutiginneqataanissamut naleqquttunik piginnaasalimmik suleqatissarsiorpugut. Ukiup ingerlanerani angalasarnissap annertuujunissaa ornigullunilu suliaqartarnissaq naatsorsuutigineqartariaqarpoq.

Suliassarni ilaatigut ilaassapput:

- Ullut tamaasa nakkutiginneriaatsinik atuilluni qaqqat sisoortarfiinik nakkutiginninneq
- Pissutsinik nalilersuinerinik qaammatikkaartumik tamanut saqqummiussisarneq
- Qaqqanik qajannartorta qarfinnaasunik nunap immikkoortuini misissuinerit
- Nakkutiginninnermi periusissianik ineriartortitsinermi atuutsitsilertarnermilu aammalu oqartussat, najukkani innuttaasut nunanilu tamalaani suleqatigisartakkat suleqatigalugit aarlerinaataasunik misissueqqissaarnerni peqataaneq
- Nittartakkamik nutarterineq ineriartortitseqqinnerlu
- Asimi suliaqarnissanut pilersaarusiorneq suliarinninnerlu, ilanngullugit dronit aamma sajuppillatsitsisarnermut atortut atorlugit uuttortaanerit
- Asimi paasissutissat katersorneqartut pitsaassusaannik qulakkeerineq, misissueqqissaarneq, aqqqissuussineq paasissutissiisarnerlu
- Aalajangiisartunut siunnersuineq
- Paasititsiniaanernik ingerlatsineq aammalu qaqqat sisoornissaasa navianaateqarnerinut nuna tamakkerlugu akuutitsiviusumik aarlerinaataasunik aqutsinissamut pisinnaasanik inerisaaneq
- Nakkutiginninnermik suliaqarnerup Kalaallit Nunaanni pissutsinut naleqqussarneqarluni ineriartortinneqarnissaa pillugu ilisimatusarnermik avatangiisilinnik suleqateqarneq

Piukkunnassutsitit

Matuma kinguliani allassimasut immikkoortut tamaasa naammassisimasariaqanngilatit, kisianni annertunerpaartaanniissinnaasutut ilinnut takusinnaassasutit naatsorsuutigaarput:

- sulianut naleqquttumik ilinniagaqarsimaneq, assersuutigalugu ujarassiooq, geofysikeri, remote sensing-inut immikkut ilisimasalik, ingeniøri assigisaannilluunniit.
- Nunami sumiiffinnut paasissutissanut periaatsimik (GIS) aamma / imaluunniit programmilersuinerinik ilisimasaqarneq
- Aarlerinaataasunik aqutsinermik pinngortitamilu navianartunik (natural hazards)

misilittagaqarneq pitsaassaaq

- Kalaallisut, danskisut tuluttullu attaveqaqatigiillaqqissoq

Inuttut piginnaasaqarfiit

- Tunniusimasuuvutit suleqatiginnillaqqissuullutillu
- Nammineerlutit sulisarpuit aammalu tunniussinissamut killigitat naammassisarlugit
- Kalaallit Nunaanni inuiaqatigiinnut tunngasunut ilisimasaqarpuit
- Nunap immikkoortuini avingarusimasuniittuni asimi suliaqarnermik misilittagaqarpuit imaluunniit suliaqarusupputit

Uagut pilluta

Inuussutissarsiornermut Aatsitassanulu Naalakkersuisoqarfimmi sulisut 40-t missaanniippugut. Atorfik aaqqissuussaanneri Ujarassiornermut immikkoortortaqaqarfimmi inissisimavoq, tassaniillutik ujarassiuut pisortaat 1 aamma ujarassiuut ilisimatuussutsikkut sulisut 11.

Ujarassiornermut immikkoortortaqaqfik Naalakkersuisunut aatsitassanut suliassaqarfimmi ujarassiornermi ilisimatuussutsikkut siunnersuisartutut pingaarnersaavoq.

Naalakkersuisoqarfik pillugu annertunerusut atuarsinnaavatit uani <https://govmin.gl/>

aammalu qaqqat sisoortarnerinut suleqatigiinni sulineq pillugu

uani <https://govmin.gl/da/fjeldskred/>.

Neqeroorutigaagut:

- Suliffik pissanganartoq, unammillernartortaartoq tamatigoortorlu
- Immikkoortortaqaqfik ineriartortuortoq sioqqutaarisumillu sulisartoq, ataqatigiilluarneq atuulluni
- Suliassarni sunniuteqarnissamut periarfissaqartoq
- Ilinniaqqinnissamut periarfissaqartoq

Aningaasarsianut atorfininnermullu tunngasut

Aningaasarsiat atorfininnimilu atugassarititaasut, ilanngullugit atorfininnermi soraarnermilu akiliunneqarluni angalasinnaatitaaneq pequtillu nuutinnerinut akiliunneqarnissamut pisinnaatitaaneq, atorfininnerup nalaani Namminersorlutik Oqartussat kattuffiullu isumaqatiginninniarsinnaatitaasup pineqartup akornanni isumaqatigiissutit naapertorlugit pissapput.

Piffissaq suliffiusoq aallaaviatigut sapaatip akunneranut nalunaaquttap akunneri 40-nik sivilissuseqarpoq.

Ineqarneq

Atorfimmut sulisunut inissiamut innersuussisoqassanngilaq. Qinnuteqartoq

Namminersorlutik Oqartussani atorfeqarnini aqutugalugu sulisunut inissiameereerpat, sulisunut inissiamut innersuunneqarsinnaatitaaneq attatiinnarneqassaaq. Sulisunut inissiaq atorfeqarnermut atatinneqarpoq, aammalu atorfeqarunnaarnermi qimanneqassalluni.

Paasissutissat annertunerusut

Atorfik pillugu annertunerusunik paasisaqarusukkuut attaveqarfigisinnaavat immikkoortortaqaqarfimmi pisortaq Romain Meyer (+299) 34 68 17, e-mail rnmr@nanoq.gl.

Atorfininnissaq ulloq 1. oktober 2026 imaluunniit erseqqinnerusumik

isumaqatigiissuteqarneq malillugu.